

NOTAT

Til: Kontrollutval, Alver kommune

Frå: Kommunedirektør, Alver kommune

Emne: Sak 15/22 Gransking Alver kommune – anbefalt mandat og gjennomføring

Kommunedirektøren vi i det følgande ikkje kommentera sakene som ligg til grunn, men prosess og prosedyre fram til det i sak 15/22 vert foreslått ein omfattande gransking.

Kommunedirektøren har forståing for at kontrollutvalet i nokre særskilte saker kan ha behov for å gjennomføre gransking i enkeltsaker der det er sterke indikasjonar på at det er gjort alvorlege feil med tilhøyrande alvorleg konsekvens. Elles er det forvaltningsrevisjon som er hovudverktøyet for kontrollutvalet. Dette er eit godt verktøy som kan avdekke om systema kommunen brukar er gode nok til å redusera faren for feil til eit minimum.

Til sak 15/22 «Gransking Alver kommune – anbefalt mandat og gjennomføring» ligg det berre føre eit prosedyreforslag. Anbefalinga er basert på Advokatforeningen sine retningslinjer for privat gransking. Kommunedirektøren legg til grunn at dette er gode retningslinjer men vil understreke at gransking i omfang er større enn forvaltningsrevisjonane som vert gjennomført på bestilling av kontrollutvalet.

Harris har gjennom si undersøking ikkje har tatt stilling til om det er grunnlag for gransking og heller ikkje kva som skal granskast. Det burde i Harris si undersøking vert tatt stilling til om gransking er riktig verktøy for å belyse desse sakene.

Kontrollutvalet fekk i møte 26. april 2021 eit brev frå tre innbyggjarar i Alver kommune. Dette brevet tek opp fire punkt kor desse innbyggjarane meiner at kommunen har gjort feil i to personalsaker handsama av Alver kommune. Det er dette brevet som er grunnlaget for ein eventuell omfattande gransking.

Kommunedirektøren er bekymra over kva presedens gransking av denne saka kan få for liknande saker i framtida.